



Inatsisartuni ilaasortaq  
Justus Hansen, Demokraatit

**Amerikamiut sakkutooqarfigisimasaanni salinissaq pillugu § 37  
naapertorlugu apeqquteqaammut nr. 226-mut akissut.**

Brevdato: 12-07-2019  
Sagsnr.: 2019 - 15875  
Akt-id: 11124224

Postboks 1614  
3900 Nuuk

Tlf. (+299) 34 50 00

Fax (+299) 34 54 10

E-mail: pan@nanoq.gl

www.naalakkersuisut.gl

Asasara Justus Hansen,

Inatsisartut Suleriaasianni § 37 naapertorlugu amerikamiut sakkutooqarfigisimasaanni salinissaq pillugu Inatsisartunut apeqquteqaateqarputit. Apeqqutitit uannut akineqartussanngorlugit innersuunneqarput.

**1. Siusinnerusukkut amerikamiut Kalaallit Nunaanni sakkutooqarfigisimasaanni salinissamut isumaqatigiissut januar 2018-imeersoq naapertorlugu sumiiffiit massakkorpiaq salinneqartussatut pineqarpat aamma sumiiffiit taakku qanoq pingaarnersiorneqarpat?**

Akissut: Isumaqatigiissut sumiiffinnut, amerikamiut sakkutooqarfittut atorunnaagaannut, aammalu allamik isumaqatigiissuteqarfiusimannngitsunut atuuppoq. Aqutsisooqatigiit, isumaqatigiissut atuutsilerniarlugu pilersinneqarsimasut maannamuugallartoq sumiiffiit, naalakkersuinikkut isumaqatigiissut tunngavigalugu salinissap pisariaqartinneqarneranik naliliinissaq siunertarlugu misissorneqartariaqartut allattorsimaffigigallagaannik suliaqarsimapput. Tamatuma saniatigut sumiiffinnik, naalakkersuinikkut isumaqatigiissummut ilaatinneqassanersut paasiniarlugu sukumiisumik misissuiffigineqartussanik peqarpoq. Sumiiffinnut, aqutsisooqatigiinnit isumaqatigiissummut ilaasussatut maannarpiaq naliliiffigineqartunut allattuiffiugallartoq akissuteqaammut matumunnga ilanngunneqarpoq. Aallaqqaammut Ikkattimi aamma Marrarmi salinissat salliutinneqassapput.

**2. Sumiiffiit ilaasa salinneqarnissaat pillugu tigussaasumik isumaqatigiissutinik atsioqatigiittoqarnikuua taamaassimappallu isumaqatigiissutit sunik imaqarpat?**

Akissut: Sumiiffiit ilaanni salinissamut isumaqatigiissuterpianik suli atsiuisoqanngilaq. Kommuneqarfik Sermersuup, saliiffissani siullerni marluussuni, tassalu Ikkattimi aamma Marrarmi, sulititsisuusussap maajip naanerani suliassat tamanut ammasumik suliariumannittussarsiuuppai. Kommuneqarfik Sermersooq Ikkatteq aamma Marraq pillugit

suliariumannittussarsiuussinermut atatillugu suliffeqarfinnik kalaallinit pigineqartunit, akikinnerpaamik neqerooruteqartunik ataatsimeeqateqarpoq. 2019-imi juulip naanerani isumaqatigiissutit atsiorneqarnissaat Kommuneqarfik Sermersuumit naatsorsuutigineqarpoq.

**3. Saliinissamut tunngatillugu kalaallit suliffeqarfiutaat qanoq annertutigisumik akuutinneqarpat aamma immikkoortuni sorlerni sulisinneqassamaarpat?**

Akissut: Kommuneqarfik Sermersooq Ikkattimi aamma Marrarmi saliinermi sulisitsisuussaavoq, aammalu najukkami siunnersortimik sulisitsisimut siunnersortitut atuisussaalluni. Saliinerit ataasiakkaat tamanut ammasumik suliariumannittussarsiuunneqalerpata kikkulluunniit, taakkunungalu suliffeqarfiit kalaallinit pigineqartut ilanngullugit, suliasanut neqerooruteqarnissamut periarfissaqarput. Aamma apeqquut 2-mut akissut takuuk.

**4. Isumaqatigiissut naapertorlugu suliffiik nunaqavissunit inuttalernerqartussat qassit pilersinneqarpat aamma piffissap isumaqatigiissuteqarfiusup ingerlanerani sulliviit qassit pilersinneqarumaartut naatsorsuutigineqarpa?**

Akissut: Isumaqatigiissut maannamut najukkami suliffissanik qanoq amerlatigisunik kinguneqarsimanersoq Naalakkersuisunit ilisimaneqanngilaq. Aamma maannarpiaq piffissami isumaqatigiissuteqarfiusumi tamarmiusumi isumaqatigiissut najukkami suliffissanik qanoq amerlatigisunik pilersitsissanersoq missiliorneqarsinnaanngilaq.

**5. Qanoq annertutigisumik nunaqavissut akuutinneqarpat paasiniallugu sakkutooqarfiit qimatat akorngutaanersut imaluunniit sumiiffiit pineqartut arlaannik siunertalittut oqaatigineqarsinnaanersut paasiniallugu, soorlu Tasiilap eqqaani Ikkatteq takornarianit ornigarluarneqartartoq?**

Akissut: Kommuneqarfik Sermersooq 2019-imi Ikkattimi innuttaasunik akuutitsiniarluni suliamik ingerlatsivoq, tassungalu ilanngullugu Tasiilami innuttaasunik ataatsimiititsilluni. Kommuneqarfik Sermersooq Ikkatteq pillugu innuttaasunik akuutitsiniarluni suliaq, sakkutooqarfiup suaniittut pigiinnarneqarnissaannik kommunip kissaataanik nassuiaateqarfiusooq tunngavigalugu najukkamut pilersaarummut tapiliussamik suliaqarpoq.

**6. Suliamut tunngasunik allanik soqutiginaatilinnik Naalakkersuisut paasissutissiisinnaanerlutik?**

Akissut: Naalakkersuisut maannarpiaq annertunerusumik tapiliussassaqaqngillat.

Inussiarnersumik inuulluaqqusillunga



Kim Kielsen

Ilanngussaq 1: Sumiiffinnut misissugassatut immaqalu salitassatut naliliiffiqartunut allattuiffiugallartoq, 14. december 2018.



Amerikamiut sakkutuuisa Kalaallit Nunaanniinneranni najugarisimasaannik salinissamut aqutsisooqatigiit

**Sumiiffiit takuniarneqartussatut immaqalu salinneqartussatut naliliiffigineqartut allattorsimaffigigallagaat, tak. amerikamiut sakkutuuisa Kalaallit Nunaanni najugaqarfigisimasaanni salinissaq pillugu naalakkersuinikkut isumaqatigiissut 11. januar 2014-imeersoq**

**14. december 2018-imiit**

Allattuiffimmi pingaartumik Nunatta Katersugaasiviata Allagaateqarfiatalu nalunaarusiaa nr. 34 fra 2013-imeersoq, kiisalu NIRAS-ip 2004-08-mi nalunaarusiai (2017-imeersumiit issuakkat) tunngavigineqarput.

NIRAS aamma GNA nr.	Sumiiffiup aqqa	Kommuniusimasoq	Suliaqartoq	Oqaaseqaat
210/39	BE-2 - Ikkatteq	Ammassalik	Piffissami suliaqarfiusumi US	2018-imi misissiffiginerqarpoq nunallu assinganut nalunaarsuisoqarluni
203/22	BW4 - Marraq Point	Nuuk	Piffissami suliaqarfiusumi US	Avatangiisit ilaannaasumik misissuiffigineqarput. Marraq Pointimut peqatigitillugu sumiiffik annikinnerusoq (Marrap avannarlarsaa) misissuiffigineqarpoq
582/12	Loranstation Nipisat	Qeqertarsuaq	US/DK/GL	
4/34	Loranstation Qutdleq	Ammassalik	Piffissami suliaqarfiusumi US	Ammassallip aamma Prins Christians Sundip akornanni qeqertaq
-/25	BW2 - Qipisaqqu - Kipisako	Ivittuut	Piffissami suliaqarfiusumi US	Kangillinnguit eqqaani radiukkut sumiissusersiorfik. Maanna sakkutooqarfiusup avataani atortut qimatat pillugit paasissutissiisoqarnissaa pisariaqartinneqarpoq
202/26	BW3 - Simiutaq	Qaqortoq	Piffissami suliaqarfiusumi US	Radiukkut sumiissusersiorfik
208/-	BW9 - Cruncher Island	Maniitsoq	Piffissami suliaqarfiusumi US	'Light and radio beacon'
204/15	BW5 - Aasiaat / Egedesminde	Aasiaat	US/DK	Silasiorfik. Aallarniutigalugu ullumikkut illoqarfimmi sanaartukkat akornanniinnersoq misissuiffigineqassaaq
218/-	Whalerus Bay	Illoqqortormiut	Piffissami suliaqarfiusumi US	Silasiorfik
219/38	Cape dan	Ammassalik	US/DK	Silasiorfik

211/42	BE-3 - Scoresby Sund	Illoqgortormiut	Piffissami suliaqarfiusumi US	Silasiorfik radioqarfillu
220/33	Cape Cort Adelaer - Kangeq	Ammassalik	US/DK	Silasiorfik
221/35	Skjoldungen - Louis Boplads	Ammassalik	US/DK	Silasiorfik
223/-	Artillery Point	Narsaq	Piffissami suliaqarfiusumi US	BW1-ip aamma Nasaq Pointip akornanni sakkutooqarfik
225/-	Camp Corbett	Narsaq	Piffissami suliaqarfiusumi US	Kiattuut qanitaanni BW1-ip avannaani radioqarfik
227/-	Attery Dome - Pikiullit	Ammassalik	Piffissami suliaqarfiusumi US	Silasiorfik, immaqalu annaassiniartarfik
240/7	Loran, kap Atholl	Qaanaaq	US/DK/GL	Avanersuarmi Sakkutooqarfiup kujataani
241/-	"Loran" Sabine Island	Qaanaaq	US/DK/GL	Taamaallaat non-directional beacon-itut atorneqarsimagunartoq
584/40	Orssuiagssuaq	Ammassalik	US/DK/GL	Illoqarfiup kujataani Loranstation